



御選元詩卷第四十九目錄

七言律詩八

王逢吉一首

韓玉倫徒二首

朶只一首

李綱一首

奚莫伯頽一首

胡杕一首

陳鈞一首

趙友蘭一首

楊鑑五首

御選元詩

卷四十九

目錄

岑安卿一首

周權十六首

應夢虎二首

雅琥十二首

羅朋一首

柯九思四首


李裕三首

薛明道一首

王都中三首

杜本七首

劉汶一首





胡寬二首

陳復一首

韓性二首

陳深六首

篤列圖一首

熊太古一首

陳植二首

錢良佑一首

察罕不花一首

林暉一首

陳天錫二首

御選元詩

卷四

目錄

吳元德一首

倪道原一首

智熙善一首

龍仁夫一首

劉詵三十四首

宋无十七首

御選元詩卷第四十九

七言律詩八

王逢吉

柳湖春曉

柳湖湖在宛丘西湖水溶溶浪拍堤畫舫載春人尚醉  
青帘沽酒馬頻嘶雜花隱映山光薄初日依稀樹色低  
想像蘇公行樂處讀書亭畔寫新題

韓玉倫徒

遊山谷寺

春風重到野人原修竹桃花尚儼然高塔已空多劫夢  
清溪猶說昔時禪鶴知避席歸華表龍愛聽經出石泉

御選元詩

卷四十九

王逢吉

韓玉倫徒

采只

一

寄與宿雲莫輕去巖前草樹綠無邊

題西湖亭子寄徐復初檢校

芙蓉花開一萬頃錢塘最好是湖邊曉風得酒更留月  
春水到門還放船笙引鳳凰天上曲賦裁鸚鵡座中賢  
令人却憶徐公子深閣焚香日晏眠

采只

水簾泉

山泉當戶若垂冰一派源泉自古今澗下風吹銀線溜  
巖前月落玉鉤沉寒生禪席松扉溼冷浸仙居歲月深  
隔斷紅塵飛不到水晶簾作老龍吟

李綱



濟州西湖

渺渺澄湖望不窮  
畫船曾駐夕陽中  
千峯倒映嶙峋碧  
一水平鋪潏灩紅  
鴉背浮金歸古戍  
雁行如字寫晴空  
玉簫吹徹遊人醉  
十里荷香送晚風

奚莫伯顏

石鼓書院

雲開衡嶽放新晴  
舊客今爲萬里行  
二水合流浮石鼓  
一聲回雁落山城  
朱陵不改千年迹  
綠淨重登六載情  
多謝歲寒三二友  
殷勤握手笑相迎

胡杕

送人之九江

御選元詩

卷四九

李綱

陳鈞

趙友蘭

奚莫伯顏

胡杕

二

四野鏡歌起暮愁  
壯年激烈載書游  
九江月白琵琶夜  
五老天青菡萏秋  
對酒豈無司馬在  
巢雲應共謫仙留  
但逢勝地曾登眺  
多寫新詩寄白頭

陳鈞

題冲寂觀

琴聲邀我鶴壇遊  
瘦馬遙途得暫休  
黃葉兩鞦山徑晚  
白雲一枕石牀秋  
丹泉月靜曾飛兔  
恠樹年深欲化牛  
忽憶波心長嘯客  
凌波不假碧蓮舟

趙友蘭

道中作

華裾縹緲拂煙霞  
千里旌旗客路賒  
簾幙晚風初燕子



闌干春日又梨花湖吞古甸三苗國雲護荒村五柳家  
千古功名一雞肋故園無處不生涯

楊鑑

送聞上人遊廬山

三峽橋頭水落深袈裟春日此登臨浮雲不繫空中跡  
流水偏清世外心龍化喜蟠行處鉢狼吟慣續坐時琴  
香爐北接長江近折葑行須度少林

題徐氏埜畊

寥寥箕穎邈千年高士猶畊谷口田春隴落花雙袖雨  
埜橋流水一犁煙未交聘幣應難識終卧茅廬亦自賢  
芝草琅玕深幾尺秋來移種白雲邊

御選元詩

卷四

趙友蘭

楊鑑

三

凝翠樓

禪房高棟拂層霄晴翠浮空孰可招簾幕倒遮斜日出  
香煙細逐亂雲飄翻經高處千函盡挂衲閒時萬慮消  
獨倚闌干飛鳥外一聲殘磬晚蕭蕭

寄東南園隱者

垂老無家祇一身翛然短褐住南園十年春色惟高枕  
萬事浮雲祇閉門曲徑水流通藥圃隔溪花落似桃源  
客來松下清風坐除却煎茶更不言

送葛子熙遊吳

布帆相續下東吳海戍霜清萬木疎兩袂朔風慈母線  
一燈微雨故人書江天漠漠空聞雁冰雪陰陰獨膾魚

菽水三牲誰盡樂，綈袍相問意何如。

岑安卿

重峯寺祈雨後簡李元善

塵尾高揮演大乘，火雲不散愈峻增。謾同三鳥吟詩客，  
閑訪重峯醉酒僧。翠竹陰移涼夢遠，碧蓮香散暮雲凝。  
歸途未即天瓢注，猶有長風解鬱蒸。

周權

秋霽

梧雨聲乾爽籟生，年華流水鬢星星。夜涵露氣漫漫白，  
秋入山光楚楚青。欹樹帶蟬侵竹座，斷雲和雁落蘆汀。  
酒醒誰鼓松風操，炷罷鑪薰洗耳聽。

御選元詩

卷四

楊鑑

岑安卿

周權

四

贈松崖道士

名山歷遍氣飄浮，面帶風霜雪滿頭。碧澗寒通丹井曙，  
青松影落石壇秋。布袍洗藥香猶濕，砂釜藏茶火自留。  
笑問閭風何處是，追游還許借青牛。

西村

松聲翠氣薄吟衣，曲逕盤盤護槿籬。野碓春泉分澗急，  
山鐘送曙出雲遲。人家綠艾端陽節，天氣黃梅細雨時。  
刈麥稼秧農事足，西郊生意綠無涯。

暮春

綠樹亭亭午蔭遲，倦遊情思不成詩。落花春晚客中酒，  
曉鳥日長人正棋。盤篆香銷空院寂，鞦韆影閣畫闌欹。



開邊頗適觀魚興飛絮風萍約半池

張氏新居

小雨東風拂袂寒神仙華屋畫圖間茶香入座午煙歇  
花影壓簾春晝閑翠竹白沙泉細細朱闌綠樹烏關關  
客來一笑推棋局坐占溪南十里山

秋日

石脈泉花蘸眼明竹根沙路舊經行雲歸天際山容澹  
日落江頭雁影橫梧葉庭除秋漸老豆花籬落晚初晴  
客行迢遞歸心遠煙火蒼茫起暮程

次韻秋望

暮鴉歸處斷霞明搔首風前萬里情煙抹山光翠屏冷  
御選元詩

卷四元周權

五

水涵天影玉壺清蟲鳴沙逕宵初永雁落蘆汀月未生  
何事數聲江上笛吹將離恨滿孤城

次韻孟韶卿

知道龐公不出山客來訪鶴借山看海棠開盡雨方歇  
燕子來遲春尚寒一鴉煙霞隨步履千峯紫翠入憑闌  
掉頭巢父成何事謾向珊瑚拂釣竿

送友東歸

東華厭逐輒紅塵一見潘郎興味真落落孤松霄壑志  
昂昂野鶴水雲身關山客夢三更月驛路梅花十里春  
誰唱渭城朝雨曲坐中愁絕未歸人

九日



座上風流憶孟嘉，憑高目斷楚天涯。百年歲月催蓬鬢，十載江湖負菊花。小雨釀寒侵白苧，西風憐醉避烏紗。閑携榔栗吟歸路，流水殘雲帶晚鴉。

晚春

輕車繁吹尚紛紛，袞袞香浮紫陌塵。杜宇青山三月暮，桃花流水一溪春。東風旗旆亭中酒，小雨闌干柳外人。何許數聲牛背笛，天涯芳草正如茵。

多景樓

北固峯高翠色浮，斷崖千尺障東流。誰言宇宙無多景，今見江山第一樓。雲氣曉含簷箔雨，濤聲夜落海門秋。客來莫問孫劉事，狼石苔深萬古愁。

御選元詩

卷四九

周權

六

有懷

鼎食難登苜蓿盤，齏鹽滋味笑儒酸。白雲望斷親闈遠，紅葉吟殘客路寒。心事蹉跎忙裏過，人情翻覆靜中看。何如歸去蒼山下，閑聽松風煮月團。

晚春

花事匆匆彈指頃，人家寒食雨晴天。香浮夜月梨飄雪，綠染春風柳拂煙。涉世百年真逆旅，忘機萬事即安禪。獨憐顛顛江湖客，猶記風流權酒船。

金焦兩山

海瞰紅處謁仙山，不管剛風客櫂寒。一鑑寒光開玉匣，兩螺青黛落銀盤。天低塔影攙雲聳，地窄鐘聲度水寬。

羨殺禪心如止水任教四面自波瀾

嬾菴講主得九江餅茶鄧同知分餉其半汲泉  
試之因次韻

解組歸來萬事輕日長門巷澹無營團香小餅分僧供  
折足寒鐺對客烹色卷空雲春雪湧影沉江月夜潮生  
一甌洗却紅塵夢坐愛風前晚笛橫

應夢虎

梅菟

禹廟歸來骨已靈風林月落見儀形玉龍一曲香隨返  
彩鳳三招夢未醒吊影西湖雲樹黑斂粧東閣土花青  
莫誇賦客心如鐵楚些淒酸可忍聽

御選元詩

卷四

周權

應夢虎

雅琥

七

墨竹

爲愛江頭碧玉林生綃移入小齋深軒屏得此數竿足  
淇澳從教千畝陰幸免雪霜侵直幹不妨木石伴虛心  
蘇仙文老成寥落安得高人爲賞音

雅琥

和韻王繼學題周冰壺四美人圖

唐宮題葉

彩毫將恨付霜紅恨自緜緜水自東金屋有關嚴虎豹  
玉書無路託鱗鴻秋期暗度驚催織春信潛通誤守宮  
莫道銀河消息杳明年錦樹又西風

崔徽寫真



舞鸞妝鏡拭鉛華，毫素無聲散彩霞。  
夜月影寒分桂魄，春冰暈薄映桃花。  
夢隨圖去憑青鳥，愁逐書來點墨鴉。  
未得離魂如倩女，衰容先到君家。

洛神

鄴宮檐瓦似鴛鴦，蘭渚鳴鸞去國遙。  
謾說君王留寶枕，不聞仙子和瓊簫。  
驚鴻易沒青天月，沈鯉難憑碧海潮。  
腸斷洛川東去水，野煙汀草共蕭蕭。

二喬

珊瑚交加玉樹重，鴛鴦難偶雪難容。  
共思漢事隨流水，各對吳儂覺遠峯。  
洛賦未成梁月墮，胡笳已斷塞雲濃。  
人間流落渾相似，猶勝淒涼泣暮蛩。

御選元詩

卷四元雅號

八

送蘇伯修御史之南臺

天上詞臣夔莫雙，乘驄此日莅南邦。  
梅花路近宜逢雪，桃葉波平好渡江。  
千里蒼生瞻繡斧，十州使者避旌幢。  
同袍知己如相問，已許閑身老北窗。

酬江夏友人見寄

四海元龍眼界空，平生豪習竟誰雄。  
早知黔首成秦贅，悔學蛾眉入漢宮。  
曲水疏篁秋色裏，小山叢桂月明中。  
故人歲晚能招隱，便買扁舟向漢東。

二月梅

去年呵筆賦寒梅，又見仙家二月開。  
不是東君留客醉，肯教神女逐春回。  
梨花院落爲雲妒，柳絮池塘作雪猜。



東閣如今清興減羅浮誰與寄香來

送袁果山經歷之潮陽

潮陽贊府之官去猶是薇垣白髮郎天上故人懸夜榻  
海邊候吏促春裝翠綃卷雨蕉花老火齊然雲荔子香  
終日韓香對簾幕只愁簡牘破詩忙

留別凱烈彥卿學士

十年帝里共鳴珂別後悲歡事幾多汗竹有編歸太史  
雨花無迹染維摩湘江夜雨生青草淮海秋風起白波  
明日扁舟又南去天涯相望意如何

送劉縣尹赴山後白登縣任

使君出宰近龍沙芳草淒迷是縣衙五月山溪猶積雪

御選元詩

卷四

雅琥

九

三春庭樹不開花往時烽火通秦塞今日絃歌屬漢家  
聖代行將徵卓茂莫嫌白髮負年華

送吳子高還江夏

唐申春余在江夏嘗賦詩送子高之沅庚午子高復來會於京師因求偶而還復作

此以戲

黃鶴磯頭惜袂分京華回首又離羣十年南北兩為客  
萬里中間一見君訪舊眼前星落落驚新鬢底雪紛紛  
歸時莫過臨邛令應有王孫識賦文

劉仙巖

削雲千丈倚蒼崖箭括通天一竅開草樹陰深藏洞府  
煙霞縹緲護樓臺白雲已向空中去黃鶴時聞月下來  
欲問仙翁借筇杖凌高長嘯望蓬萊

羅朋

唱名日與同年賦詩

龍燭輝煌五夜闌花迎仙仗擁千官  
臚音雷動蓬瀛曙戟衛霜明殿  
陛寒風定玉爐香影直日高金榜  
墨痕乾甲科不入微臣夢三策深  
期子細看

柯九思

元日會朝大明宮

軒冕朝元湧翠埃中天雞唱內門  
開雲飄五鳳層樓矗日繞羣龍法  
駕來謁者引班聯寶帶上公稱壽  
進金杯撞鐘告罷宮花側人指儒  
冠錫宴迴

題安僧元帥遠景亭

御選元詩

卷五

羅朋

柯九思

十

東河亭子憑高爽俯瞰平原繞茂  
林滄海日生朱拱濕秦山雲起綉  
簾陰夢回春渚鐘聲小目倦晴空  
雁影沉誰似詩書老元帥清時於  
此寫丹心

送趙虛一還金陵書虞翰林詩後

詞臣通籍侍金閨天語從容問舊  
蹊雲外山高龍虎踞人間松老鳳  
凰棲翰林擬詔當紅藥道士疏封  
出紫泥更賜金錢祠泰時寥陽前  
殿麗璇題

送李教授之湖州

水精宮裏尋春處天目山前看月  
時隔岸園亭俱可愛舊時風物未  
全衰廣文遊宦詩如錦博士淹留  
鬢欲絲欲謝君恩無寸補他年杜  
牧去應遲



李裕

過髮冠女仙廟

天上香雲擁碧鬟  
山中大藥駐紅顏  
千年仙去空塵土  
半夜月明聞珮環  
芳草不知前度綠  
古苔渾似舊袍斑  
自憐軒冕馳驅者  
目送浮雲不得閒

對酒感懷漫賦

半醉簪花出杏園  
玉驄嘶過五門前  
豈無綠酒酬佳興  
坐對青山憶去年  
蛺蝶有情嫌我懶  
名花底事向誰憐  
嬌娘莫惜羅裙澆  
看取腰肢醉後妍

送趙鵬舉之西臺掾

掾曹騎馬赴西臺  
迢遞關河幾日回  
秋草自隨人去遠

御選元詩

卷四九

李裕

薛明道

王都中

十一

夕陽長共雁飛來  
亂雲荒驛迷秦樹  
落葉殘碑有漢苔  
最憶年年寒食節  
華筵誰向曲江開

薛明道

掛席

掛席春風任我之  
鬢毛雖白氣猶奇  
欲將碧落開成路  
遂取黃河瀉作辭  
槎到漢津須幾日  
桴乘滄海竟何時  
鷺身本有高飛具  
也立汀洲有所思

王都中

登東山寺

古寺峒巖隱翠微  
松陰行盡見朱扉  
巖花識面遠迎笑  
野鳥忘機近不飛  
相國書堂今寂寂  
山僧法坐久巍巍



凭闌欲問當時事白鷺無言立釣磯

題又魚亭

昌黎曾此賦又魚披棘尋碑故郡圖重築草亭存古意  
雙浮畫舫傲西湖激輪為磨供官費隔水分塘笑我愚  
寄語後來賢太守相承無似此慵迂

和彬卿江行即景

怪石奇峯疊削城江行渾若泛仙瀛崖松偃蹇蛇龍勢  
瀧浪飛翻玉屑輕山色入懷衣袂冷溪光照影骨毛清  
更闌放溜泊榔口明月清風更有情

杜本

暮春遣懷

御選元詩

卷四元

王都中

杜本

三

東風吹盡滿林花底用無涯始有涯飲量素慳難止酒  
客懷雖惡少思家已諳世味茶如薺未信仙人棗似瓜  
為愛綠陰春晝永出門轉覺換年華

秋興

兩峯高聳竝秋霄雙澗分流送晚潮月冷誰家頻搗練  
風清何處細吹簫七閩荔子丹砂顆五嶺梅花玉雪標  
黃鵠不來空悵望自歌雅曲和漁樵

送李伯循

已聞盤谷最深幽便欲從君遂此遊春氣和柔朝採藥  
秋風清徹夜行舟巖花冉冉難留客汀草纖纖獨倚樓  
楊柳新條不堪折只須買酒換離愁

送趙伯常歸揚州

往年初記抵京師，正類機雲入洛時。  
未說鼇頭分赤管，先傳馬首控青絲。  
瓊樓舊醉家家酒，金刹新題處處詩。  
此日揚州歸去路，錦衣光采照城池。

寄楊仲弘

老來自愛黃叔度，少日真期魯仲連。  
高卧獨無田二頃，曳裾誰有客三千。  
蒼波渺渺浮鷗鷺，白日翩翩換歲年。  
却憶江東楊少尹，劇談終夜不成眠。

題周南翁悠然閣

大江之東彭蠡南，周家高閣與雲參。  
秋風猿狖嘯青嶂，暮雨蛟龍起碧潭。  
遶屋千叢生杞菊，過簷百尺長榎楠。  
御選元詩杜本 劉汶卷吳 三  
何時共此登臨樂，指點山川與縱談。

廉州阻風

自因三宿致綢繆，豈爲狂風帶客舟。  
鄉國十年思舊雨，河山千里記前遊。  
黃雲釀雪禾將刈，綠霧籠霞橘漸收。  
離別不堪成悵望，雁孤飛起白蘋洲。

劉汶

寄贈華陽洞隱者

一日書成四海傳，華陽始信有儒仙。  
神交弘景吹笙夜，心在留侯辟穀年。  
重碧拈春瓢貯月，硬黃臨帖研分泉。  
山中物色清無限，便擬凌雲到洞天。

胡寬



宋定遠赴京并東翰苑諸友

桃花浪暖鯉魚跳送別殷勤折柳條一角祥麟符漢武  
千金駿馬出燕昭豐城劍氣干南斗長樂鐘聲和早朝  
若到鑾坡煩寄語江南煙雨老漁樵

送方永叔往教渝州

詞采年來比賈終石渠東觀未能容今君乘驛西南去  
我欲爲雲上下從峽湧春濤飛霹靂天開晴峒削芙蓉  
江山險壯猶今昔遺恨難平有卧龍

陳復

宿州作

聞道苻離睢上居主人從諫擊球疎遺風謾詫朱雞石  
御選元詩

卷完

胡寬

陳復

韓性

十四

故事猶傳白兔書民起廢橋聞渡虎官開響泊爲求魚  
屯田好在斜陽外一帶青山接北徐

韓性

若邪溪

一川暝色鎖煙蘿瀟洒禪關偈獨過簷蔔香中詩夢遠  
芭蕉葉上雨聲多九重闕下心猶戀二十年前事總訛  
畫舫蘭橈待明發若邪溪水夜增波

陽明洞

日日攜壺坐釣磯眼看門外軟紅飛已無遊騎尋芳事  
却訪幽人入翠微石磴欲青春雨足酒壚初冷絮花稀  
悠然自解登臨意十里香風一棹歸

陳深

曉望吳城有感

嗚嗚寒角動城頭吹起千年故國愁才見專諸操匕首  
旋聞西子載扁舟霜寒古寺鐘聲早月落南園樹影秋  
一笑浮華易盈歇白雲長在水長流

送劉梅溪游句曲

華髮蕭蕭兩鬢秋醉眠花竹舊風流天心橋畔行將老

劉居吳  
天心橋

地肺山中隱去休半嶺白雲容可玩一菴明月尚

空留

劉有故  
菴山中

西風趣赴方臺約巖下遙看二老遊

劉故人呂江  
斡號四平翁

句曲有四平  
山亦名方臺

次韻子封承之遊桃花塢

御選元詩

卷四

陳深

五

閶門行樂送韶華閑訪城陰野老家黃蝶得晴飛菜葉  
翠禽隔浦啄桃花衡門倒屣臨官路古渡橫舟閣淺沙  
亦有詩人時一到醉吟行盡夕陽斜

雪後遊石湖

衆峯戴雪玉崔嵬風定湖光鏡面開山色可堪西子笑  
溪聲曾送粵兵來天寒野外搖孤艇日落浮圖對古臺  
回首風塵翳城闕愁來誰伴倒清壘

湯梅山爲道士歸吳還山賦一詩以餞

三年猶向孤山住應爲梅花帶水濱滄海鶴歸空有語  
荒城草長又逢春芝田火暖丹砂熟松嶠花香白釀新  
安得與君俱隱去煙蘆深處著閑身



舟行解后周西園示詩次韻

遊遨適興隨幽境笑語相逢忽並船  
流急濺袍飛帶雨岸回迷草暗浮煙  
樓高近水涵飛鳥樹密藏雲咽恨鶻  
愁破已空尊酒綠醉吟同眺晚晴天

篤列圖

題董泰初長江偉觀圖

往歲曾登北固樓遙看天際白雲浮  
天分吳楚波濤闊山湧金焦樹木稠  
落日放船過赤壁清秋騎鶴上揚州  
于今高卧蓬窗底展卷令人憶舊遊

熊太古

送復上人遊吳

御選元詩

卷四

元陳深

篤列圖

熊太古

二

二月鍾陵花滿煙袈裟東上木蘭船  
地浮彭蠡江聲轉山入姑蘇海氣連  
千里從師應未晚五湖為客謾多年  
遙知後夜相思處坐看中天好月圓

陳植

題禰氏杏林卷後

禰子洲前萬杏花一壺仙隱自成家  
抄書簷下分香露洗藥溪邊蹋錦沙  
布素屢煩卿相揖劒芒猶拂斗牛斜  
曲江又廢明年會栽樹何由見綺霞

奉題丁氏竹堂并寄廷玉嚮仰之意

慈州二判經年別黃鶴山前見阿咸  
聞築新堂臨水勝剩栽修竹與雲參  
午風窗戶清含雪晴日琴書翠滴嵐

欲拉王猷時共造幅巾揮塵縱清談

錢良佑

至順四年四月九日同王叔能柳道傳胡古愚  
遊天平山次古愚韻

松門一逕度蕭森門外澄淵得重臨翠木斬新隨地長  
白雲依舊在山深泉分茗盃來巖隙香起熏爐出殿陰  
篆墨題名志崔石忘形容我亞冠簪

察罕不花

千佛崖

丹崖琢就玉桓楹何代人爲佛寫生賸喜可瞻還可仰  
不惟堪畫又堪行山頭樹色連雲碧棧下江波徹底清  
御選元詩

卷四

陳植 錢良佑 察罕不花  
林暉 陳天錫

三

若便般輸來至此儘教工巧莫能更

林暉

奉使過建陽懷四兄

游宦浮踪水上萍自憐添却鬢星星嶺南不見來鴻雁  
原上徒看下鶴鷓蘭菊秋風誰共賞芭蕉夜雨獨愁聽  
杖藜莫厭行途遠觸眼雲山盡畫屏

陳天錫

都下偶成

玉泉遠接禁溝流輦路春深碧草柔細柳望迷秦女館  
清池學弄楚人舟尊前艷態初疑月雲裏新聲欲變秋  
不道有人騎瘦馬夕陽春樹起高愁



別桐城諸老席上作

七人五百有餘歲，高會尊前笑語譁。  
逸興過時濃似酒，交情密處恰如家。  
朱顏鶴髮明秋水，瑤句魚箋動彩霞。  
明日馬蹄衰草路，桐鄉回首又天涯。

吳元德

崔御史綠筠軒

種得湘筠十畝寬，森森蒼玉拂簷端。  
裁竿未許投江海，結實終看集鳳鸞。  
錦籜有時飛曲檻，綠陰終日護吟壇。  
淇園只在軒窗外，恠底霜臺六月寒。

倪道原

題成趣亭

御選元詩

卷四

陳天錫

吳元德

倪道原

六

吳氏亭臺水竹間，百年幽興滿松關。  
匏樽雪後移當徑，石榻晴來卧看山。  
晝日鳴雞花下散，春風飛燕柳邊還。  
揚雄五畝城西宅，草就元經未得閒。

智熙善

安南喜雨

丹鳳御書下九霄，遐荒氛癘已全消。  
乾坤雨露通元氣，海岳風雲逐使軺。  
楊僕樓船何用入，馬援銅柱不須標。  
欲知金澤涵濡遠，看取村村滿綠苗。

龍仁夫

懷舊次韻

匹練潮頭寂莫飛，五雲臺榭暖殘霏。  
坐看殷麥漸漸秀，

忽唱吳歌緩緩歸仙井龍藏荒罅冷孤山鶴怨舊巢非  
畫橈兒女貞元曲空繞年年細柳磯

劉詵

元夕諸子孫小飲

梅外初升寶月圓柴門春入菜絲盤鼓鐘不斷山城闊  
燈火無多野郭寒童子折花偏愛節老人持酒強爲歡  
牙旗鐵馬羣英事謾賦新詩寄客看

社日偶成

西郭先生嗜酒盃敝裘潦倒積緇埃疎疎社雨梨花老  
漠漠春陰燕子來灌圃天隨餘杞菊閉門仲蔚長蒿萊  
衰年頗覺頭風進烏帽何因倩客裁

御選元詩

卷四元龍仁夫 劉詵

元

和彭贊府琦初新歲陪拜黃堂之什

九州八極共年華未覺天顏萬里賒雉扇排春堦立笋  
猊煙泛曉燭生花侯藩勢重嘶千騎仙樂聲高進九霞  
懸想故人袍帶冷頗輸高卧屬儂家

金竹峯前共歲華新詩同賦酒同賒君如老柳春先綠  
我似寒梅臘未花晴日市眉行却月暖風容臉上流霞  
小桃忽露牆東萼春色寧遺陋巷家

和張漢英見壽

吾里文章小晏家才情欲學賈長沙妙書鴻戲秋水  
佳句風行曉苑花富貴未來歌扣角崎窮相對賦煎茶  
芳年京國蜚騰近預想春車隲馬撾



旦日試筆并自和

爐煙燭影共徘徊手試春風第一杯  
萬里星辰環極共五更鼓角挾春來  
凌寒柳意如先動閱歲梅花不受催  
坐久不知天向曙出門爆竹發驚雷

老來節意重徘徊小案猶橫隔歲杯  
得句定知春未覺開門喜報客頻來  
江山萬古晴陰老花柳千林雨露催  
郡國昇平人自樂城頭畫鼓響輕雷

和劉道淵

小巷柴門剥啄聲齋爐相對得詩盟  
春寒未了花開落山雨頻來窗晦明  
我自一經成皓首君方萬里起修名人  
間變化知何據危坐東風看馬程

御選元詩

卷巽

劉說

二

庚午上元雨陪學翁兄飲

元夕相看白髮兄燈花應笑兩無成  
村醪薄薄客三五疎雨瀟瀟漏幾更  
老境情懷多舊感荒年市井少歡聲  
興來欲聽祈賓喚門巷成泥懶復行

和蕭孚有新年

閉門十日雨漫漫詩思焦枯酒盞乾  
杜若水生江舫集海棠風起郡齋寒  
千年競轉青春易百藥重回白髮難  
知子頗憂天下事可能參錯立朝端

彭琦初用坡翁紙帳韻惠建昌紙衾次韻二首  
為謝

雪綿揉碎密縈連清卧梅花性更便  
茸暖何須蠻客帳

座寒但少廣文氈窗升紅日那知曉夢壓白雲疑近天  
但恐少陵茅屋漏雨宵霑破不成眠  
盱溪水暖楮藤連練作雲袞與老便補幅全勝羊續布  
裹身疑是鄧侯氈溫欺臬絮娛霜夜潔與梅花共雪天  
要識故人淘瑩意可貪一暖但高眠

曉起用麟孫韻

七月今年涼氣高牆東古木夜蕭騷孤城殘月角初動  
野屋秋風雞亂號萬事惟餘雙短鬢百齡須用幾綈袍  
故人莫薦揚雄賦衰老難勝執戟勞

和友人遊永古堂二首

流水小橋園路迂虛堂午憩息徐徐山空轉覺禪機寂  
御選元詩

卷九

劉說

三

地勝不知人意舒靜倚修篁聞鳥語閒尋敗葉認蟲書  
輞川金谷餘荒址三兩園翁自結廬  
勝日偶尋山寺幽老僧石鼎沸茶漚市窮路轉得此地  
人語經聲在小樓君似淵明來白社我如蘇子說黃州  
雪乾沙靜春晴好出郭何妨更小留

和蕭孚有閒居即事

天氣初宜小扇輕故人不至巷泥深水村鷺去干畦雨  
山郭花開四月陰愁裏有誰同細酌老來并欲廢清吟  
若為共息塵勞意行遍青原處處岑

和友人病起自壽

藥案常行鼠迹塵花枝閒結膽餅春病餘不放吟詩樂



別久重如識面新鸚鵡茶香分供客茶糜酒熟足娛親  
與君共語如銅狄長作比鄰還往人

辛亥清明日陪彭琦初黃用寔八人同登螺山  
瑞華用仲子尚文韻

故人新句妙何陰一笑相看得會心勝日從來成解后  
老懷正復託浮沉山含萬古春晴薄水挾孤城霧氣深  
隨意酒家聊復醉暮歸未用典腰金

再用韻酬同遊諸公

聽盡城鐘聽寺鐘暖風扶醉覺衣重粥魚餉午催僧飯  
酒榼行春酌墓松羈客得晴辭櫪馬歸人分路各房蜂  
簪花泥飲田間老我自不如渠興濃

御選元詩

卷九

劉說

三

丁巳上元前一夕留飲蕭氏盤中和友人韻

香篆縈簾九曲盤清尊對客語更闌不妨小雨留人住  
未覺東風到酒寒絳燭繞廊春意鬧玉笙連巷市聲歡  
文園元有吟詩渴更愛茶香透舌端

樓外青山勢折盤春愁正在最高闌落梅門巷行人少  
細雨山城薄暮寒醉裏聞歌偏易感老來撫節強為歡  
戲拈詩句償今夕尚覺春風滿筆端

游新淦興善寺

不待前期偶出門酒壺詩擔散郊原樹連山勢高藏屋  
路挾溪流曲抱村老遇清游偏易感醉思往事了無言  
此生定合重來否細踏沙頭屐齒痕

欲雨不成雲往還筍輿穩載度禪關青天四匝高峯外  
白水交流亂畝間經論已隨仙客去佛煙長共老僧閒  
竟忘柏子西來意惟有溪聲送出山

再和曾學士

風水霓裳妙可聽斷雲過鴈筆縱橫揚州杜牧樓中夢  
淮海秦郎天下聲駱馬柳枝餘感慨沉香芍藥待才名  
從今伐梓供新譜流播梨園與妓營

謁安成魏君壇留宿其下

一溪抱峽玉潺湲奇草幽花滿古壇千岫月明丹石去  
萬松風轉斗垣寒白雲可踏天垂屋老鶴不歸人倚闌  
定有吹笙王母下露淒夢冷欲生寒

御選元詩

卷五

劉說

三

重游青原回塗過清都臺和坡韻

門外江流萬里東青山曾識老仙翁百年客髻東風裏  
兩岸人家落日中蠟屐平生須幾到桃花前度有誰同  
文章隨意成千古草樹荒荒老屋空

寒食和友人

二月微暄試白團得晴一笑未應難故人不至花頻落  
好句初成酒半闌郭外漁樵無世念墓門翁仲看人歡  
夜歸坐聽瀟瀟雨自剪西堂寸燭殘

江上清明和友人

北郭山花開赤鶻東津榆筴作青錢大江萬里雲連野  
元氣千春樹接天豪傑盡隨流水去文章未許俗人憐



感時惜別俱常事莫放清愁到酒邊

故居南山感興

涼風薄日滿天地團作人間一片愁  
衰柳馬嘶山驛晚  
冷菰雁落野田秋  
呂安潦倒黃公酒  
杜甫蕭條白帝州  
欲說舊家無故老  
杖藜默數昔經遊

乙亥留故鄉自壽

七十古稀今已迫  
回頭一一記兒時  
三生我豈後商隱  
舊曾夢與李商隱  
語謂余乃其後身  
四海今無半子期  
盞筯有情聊暢適  
文章無用祇娛嬉  
傍人莫比耆英輩  
但好商山學采芝

九日蕭孚有約諸賢登高遂訪青龍寺  
午至桂

溪橋飲於小菴晚登菴後山藉草松下浩歌痛

御選元詩

卷九

劉說

二

飲舉酒酌野墳又呼樵童為山歌行者屬目賦

詩

朝尋古寺石齧履暮上崇丘風掠冠狂飲眼看紅日盡  
高歌聲入碧雲寒亂亂峯猶作太古色野墓不知遊客歡  
何必龍山為故事賦詩留與後人看

送趙光遠道州寧遠稅使

故家喬木鬱衣冠  
小試司征第幾班  
鵬翼未搏千仞外  
馬蹄初踏萬山間  
門當遠嶠花連務  
縣接清溪水繞關  
詩課書程應不減  
東風早送錦衣還

雨中出郭訪友

驟解冬棉復用棉  
江城二月社寒天  
笠桃漠漠一村雨

山屋冥冥半鷓鴣，煙燕子未歸。  
風滿面馬蹄不度水生川，  
惜無濁酒供新興，但把新詩  
荅暮年。

清明和李亦愚

煮茶閉戶看殘編，風味淒涼似玉川。  
春到名花偏久雨，人逢佳節恨衰年。  
棠梨野館輕寒燕，楊柳人家薄暮煙。  
新水夜來生郭外，麥畦桑隴不論錢。

宋元

次友人春別

波流雲散碧天空，魚雁沉沉信不通。  
楊柳昏黃晚西月，梨花明白夜東風。  
秋千庭院人初下，春半園林酒正中。  
背倚闌干思往事，畫樓魂夢可曾同。

御選元詩

卷四元

劉說

宋元

三

金陵送倪水西之江陵

楚江江上暮雲東，萬里春波去意濃。  
桃葉歌殘秣陵酒，梨花夢斷景陽鐘。  
沅湘水落瓊瑤合，巴蜀山來錦繡重。  
回雁峯前見歸雁，相思何處再相逢。

猿

巴峽聞聲愁斷腸，冷泉照影綠陰涼。  
藤搖亂雨領兒過，樹晒斜陽拾蝨忙。  
獻果去尋幽洞遠，攀蘿來撼落花香。  
空山月暗無人見，啼入白雲深處藏。

鶴

毛骨珊珊白雪清，千年世上頂丹成。  
晴飛碧落秋空闊，露立瑤臺夜月明。  
仙島雲深歸有信，天壇花落步無聲。



時來華表何人識，依舊翻身上玉京。

湘竹杖寄無住

采向舜妃江廟前，得來賈客木蘭船。老宜泉石搯慵態，吟稱煙霞倚瘦肩。冥坐夜和飛錫憩，經行春卓紫苔穿。知師道價神龍護，莫謾騰空去九天。

如鏡伐竹架過牆，葡萄斷竹插地復生枝。葉無住序曰：瑞竹，余以詩贈之。

為引寒籬延晚翠，試栽碧玉動秋根。鳳梢依舊生虛籟，龍籜相將添遠孫。林月過庭窺斷影，茶煙潤色到啼痕。湯休麗藻題還徧，貝葉應多此處緒。

靈巖寺上方

御選元詩

卷四

宋元

三

霸業銷沉煙樹濃，吳王臺殿梵王宮。廡廊人去土花碧，香逕僧歸秋葉紅。颺母射巖風動地，蛟精徙穴霧迷空。明朝江郭重回首，寺在翠微蒼靄中。

喜虛碧自龍虎歸

雨巾風帽別真師，雲滿天壇駕鶴遲。囊佩山圖行幾日，碁逢仙客看多時。丹房芝朮春英長，玉洞煙霞夜夢離。定有壺公遠相送，瓢中添著幾篇詩。

雨篷為吟友題

家分半席並鷗眠，興與隋吳頭楚尾天。機杼曉聲柔櫓月，簾帷暝色片帆煙。魚龍窟宅同春夢，雞犬圖書當夜船。咫尺五湖晴景好，釣竿閒在草堂前。

垂虹亭秋日遣興

滿袖玉皇香案煙綵霓背上俯晴川紅黃霜樹珊瑚海  
黑白雲花玳瑁天元圃空離樓十二丹墀罷對字三千  
吟毫醉蘸吳江水寫與騎鯨李謫仙

謝僧遺石鎗

遠寄奇鎗紫玉形寒翁歡喜欲鑄銘茅峯道士傳茶訣  
林屋山人送水經崖瀑松風添瑟縮地爐槐火共青熒  
矮餅未罄長鑿健且傍雲根飽茯苓

春日野步書田家

翳日橙陰翠幄遮封園高下奕枰斜陂塘幾曲淺深水  
桃李一溪紅白花蘋尾自跳魚放子綠頭相竝鴨眠沙

御選元詩

卷五

宋元

三

春郊景物堪圖寫輸與煙樵雨牧家

端石硯

千年巖璞斬新硯一片琳腴截紫雲漢戴星來玉匣  
墨池蒸雨出滄溟煙開霧斂天晶彩海靜江澄地典刑  
要與陶泓作佳傳老磨松液寫黃庭

無題效李商隱

妝淺顰深凭綺疏小郎新拜執金吾絃中言語分明怨  
裊上腰肢準擬扶翠履鴛鴦寒慵鬪草紅牙馬暖罷檇蒲  
無人商畧心頭事潛向花間卜紫姑

雙陸

金縷紋桑斲局堅紅雲倒浸一池蓮星環紫極無多點



月印銀潢有兩絃行采砧聲鳴素練計籌花片落牙錢  
箇人慣受卑棲苦長爲歸遲罰綺筵

許山人家

桐君種藥隱蘅臯竹祖生孫共養高茶脚碧雲凝午梳  
酒聲紅雨滴春槽休糧貌古添清瘦餌木身輕長綠毛  
仙詔未頒遲拔宅家資猶戀一溪桃

荅無功歲暮見寄

豆稽灰動擁鑪天品字煨殘骨袖煙詩草病多刪枕上  
眼花書久廢燈前老依蕭寺僧留宿相對蒲團夜不眠  
筋力漸衰餘習在夢中去趁暗門船

御選元詩

卷四

宋元

天

御選元詩卷第四十九

御選元詩卷第五十目錄

七言律詩九

施鈞九首

謝宗可三十五首

洪希文五首

袁士元八首

汪珍一首

李序四首

趙偕一首

嚴士貞四首

衛恒一首

御選元詩

卷五

目錄

張翔一首

伯顏帖木兒一首

閻詢一首

呂懷遠一首

郭思一首

元文本一首

宋思齊一首

劉有慶一首

的斤蒼崖一首

完顏東臯一首

貢東崑一首



貢士達一首

何正一首

章功懋一首

凱烈拔實一首

秦山竺一首

唐志大一首

幹玉麟圖一首

黃威卿一首

刁震亨一首

喬堅二首

雷櫟一首

御選

元詩

卷五

目錄

李伯強一首

卜友曾五首

郭君彥二首

王鈞一首

潘嘉一首

張守大一首

王仁輔一首

丘元鎮一首

丁珉一首

王翊龍一首

倪應淵一首

許希顏一首

朱得先一首

梅德明一首

潘如瑗三首

潘泰之一首

師晦文一首

何致中二首

汪士深二首

汪士明二首

汪洵雷一首

甘梅軒一首

御選

元詩

卷五

目錄

徐秋雲五首

周永言一首

王份二首

許上之一首

梅珪一首

翁葵一首

李文潛二首

王毅一首

鄧賚一首

蔡九思一首

施性初一首



王東二首

羅觀一首

潘音一首

蘇天爵一首

御選元詩

卷五

目錄

四

御選元詩卷第五十

七言律詩九

施鈞

白水山

萬壑歸源瀉石湫洞天名不下瀛洲聲聞大地玉龍吼  
勢接碧空銀漢流道院晝陰微雨集元壇秋冷濕雲浮  
山翁指點青松外曾見仙人跨鶴遊

贈王隱君

投老西湖作隱君鳳來龍去絕無聞孤山梅近聞吟月  
九里松深隱卧雲書屋幾番留鶴守釣磯一半與鷗分  
摘文染藻風流處可似蘭亭王右軍

御選元詩

卷五

施鈞

淚

懶隨空勞補舊痕離筵歌罷忽沾巾半江湘竹斑斑雨  
三月楊花點點春字濕錦機啼戍婦珠明綃室泣鮫人  
琵琶摘罷情深處洗盡青衫幾掬塵

蟠梅屋

蕊珠宮殿玉闌干四壁瓊瓏夜不關梁棟廣平真鐵石  
根基和靖舊溪山乾坤虛白生方寸雲月昏黃共一閒  
可笑三閭元不識蕙櫨蓀壁水潺湲

武昌南樓

鸚鵡洲邊艤客舟憲君邀我上南樓胡床老子三更月  
鐵笛仙人一曲秋流水白雲吳夏口西風黃鶴晉磯頭



如今盡屬王孫草添得江南幾許愁

送人歸天台

君志丹山伴赤霞忍分書劍各天涯交情十載共爲客  
歸夢幾番同到家一路暖雲蒸藥氣半溪流水引桃花  
金庭好問長生訣莫待秋風兩髻華

送人遷鄞分題得五湖

五湖煙水寄浮萍濟世英雄伯業成故國當年空鑄像  
扁舟到處却更名浪花低蘸寒星濕秋影中涵曉月明  
別後相思蘋夢遠西風誰共白鷗盟

別友人

別酒相傾別淚流江流亦不爲君留片帆今夜又何處

御選元詩

卷五

施鈞

謝宗可

二

明月當天誰共樓一雁叫霜紅入葉十年爲客白侵頭  
莫嫌歸計多蕭索三逕西風菊正秋

客中

半生書劍惜分陰誰想飄零素髮侵朋社有盟鷗聚散  
客鄉無信雁浮沉潮迴斷岸沙痕淺月落幽溪樹影深  
歸計未成愁入夢一燈空伴壁間琴

謝宗可

睡燕

補巢銜罷落花泥困頓東風倦翼低金屋晝長隨蝶化  
雕梁春盡怕鶯啼魂飛漢殿人應老夢入烏衣路轉迷  
却怪卷簾人喚醒小橋深巷夕陽西

紙帳

清懸四壁剌溪霜高卧梅花月半牀  
繭甕有天春不老  
瑤臺無夜雪生香覺來虛白神光發  
睡去清閑好夢長  
一枕總無塵土氣何妨留我白雲鄉

曉色

遠似煙霏近又空非明非夜兩朦朧  
一天清露洗難退  
幾樹暗雲遮不窮畫角樓臺濃淡裏  
殘燈院落有無中  
蒼茫半逐雞聲散又被朝陽染作紅

茶筴

此君一節瑩無瑕夜聽松聲漱玉華  
萬縷引風歸蟹眼  
半瓶飛雪起龍牙香凝翠髮雲生脚  
濕滿蒼髯浪卷花  
御選元詩  
卷五  
謝宗可  
三  
到手纖毫皆盡力多因不負玉川家

賣花聲

春光叫遍費千金紫韻紅腔細細吟  
幾處又驚遊冶夢  
誰家不動惜芳心暗穿紅霧樓臺曉  
清逐香風巷陌深  
妝鏡美人聽未了繡簾低揭畫簷陰

紅梅

梨雲無夢倚黃昏薄倩朱鉛蝕淚痕  
宿酒破寒薰玉骨  
仙丹偷暖返冰魂茜羃影露羅衣卷  
霞佩香封縞袂溫  
回首孤山斜照外尋真悞入杏花村

雁字

蘆花月底寄秋情陣影南飛勢不停  
一畫寫開湘水碧



半行草破楚天青雲戕冷印蟲書迹煙墨濃模鳥篆形  
題盡子卿心事苦斷文無數落寒汀

螢燈

微螢閃閃拂晴波幾度黃昏誤舞蛾銀粟無煙棲碧蘚  
玉蟲留影綴青莎秋空雨歇寒光隴晚逕風閑冷燼多  
欲喚紗囊車武子爲渠還賦短檠歌

綠陰

萬樹東風湧翠瀾遮藏芳恨料猶難入簾蒼靄暮春晚  
滿地碧雲清晝寒柳暗池臺煙乍濕槐深門巷雨初乾  
階前花落無人到又染苔痕上石闌

雁陣

御選元詩

卷五

謝宗可

四

渡江秋影又南征折葦銜枚夜不驚冷聚圓沙盤地軸  
曉浮寒水落天衡風馳截破湘煙闊雲擁斜衝塞月明  
洲渚網羅應有伏橫空千里不留行

鼠鬚筆

夜逐虛星上月宮奮髯奪得管城公橐中不攪吟窗夢  
指下先爭翰苑功莫笑硯池濡醉墨絕勝倉廩飽陳紅  
平生齧盡詩書字散作龍蛇落紙中

龍涎香

瀛島蟠龍涎吐玉輕氛飛遶博山青暖浮蛟窟潮聲怒  
清徹飄宮蟄睡醒碧腦盈箱收海氣紅薇滴露洗雲腥  
兩窗篝火濃薰被夢駕蒼鱗上帝庭

蘆花被

白似楊花暖似烘纖塵難到黑甜中軟鋪香絮清無比  
醉壓晴霜夜不融一枕和秋眠落月五更飛夢逐西風  
誰憐宿雁江汀冷贏得相思舊恨空

蓮葉舟

穩棹紅衣汎渺茫風帆浪檝水雲鄉曉撐太華半峯月  
晚載西湖十里香藕放雪絲應作纜荷欹翠柄若爲檣  
不須更捧金仙足太乙真人夢正涼

漁蓑

翠結香莎付釣舟一竿風雨不須愁苔磯夜泊披寒去  
葦岸昏歸帶濕收月冷籠衣眠柁尾天晴隨網曬船頭  
御選元詩

卷五

謝宗可

五

羊裘莫笑狂奴錯也著煙波萬頃秋

走馬燈

颺輪擁騎駕炎精飛遶人間不夜城風鬣追星低弄影  
霜蹄逐電去無聲秦軍夜潰咸陽火吳炬宵馳赤壁兵  
更憶雕鞍年少夢章臺踏碎月華明

蓮燈

萬點芙蓉午夜芳醉看疑是水雲鄉蘭缸照破西湖夢  
火樹燒殘太液香焰煖應愁擎夜雨燼寒不爲倒秋霜  
元宵庭院東風曉零落紅衣繞畫梁

柳眼

媚嫵窺春淺碧浮欲開還閉半顰羞露垂煙縷秋波溜



雨歇風條曉淚收上苑困酣興廢夢灞橋看盡古今愁  
五株彭澤回青否應是生花雪滿頭

花霧

倦紫酣紅總未醒暗薰芳淚滴無聲羅幃隱繡迷春色  
綺縠籠香護曉晴薄暝枝頭留睡蝶輕陰樹底咽啼鶯  
東風卷到闌干曲半濕游絲舞不成

茶煙

玉川鑪畔影沉沉淡碧縈空杳隔林蚓竅聲微松火暗  
鳳團香暖竹窗陰詩成禪榻風初起夢破僧房雪未深  
老鶴歸遲無俗侶白雲一縷在遙岑

游絲

御選元詩

卷五

謝宗可

六

搖曳春光百尺輕煙綃舞斷任縱橫暗縈芳恨應無力  
亂綰花愁似有情一縷綠楊風正輒半痕紅杏雨初晴  
莫教飛到天機上恐誤龍梭織不成

海蟄

層濤擁沫綴蝦行水母含秋孕地靈海氣凍凝紅玉脆  
天風寒結紫雲腥霞衣褪色冰涎滑瑤縷烹香酒力醒  
應是楚宮萍實老誤隨潮信落滄溟

天燈

龍逐炎精下紫宮夜深不肯落雲中光分霄漢三更黑  
影亂星辰萬點紅玉柱倚天擎火齊金繩繫日挂搖空  
照開仙闕光明路絳節霓旌穩駕風

無絃琴

獨繭長纒底用抽蛇紋空鎖鳳枝秋落星留暈繩光斷  
凍瀑無聲練影收別鶴那聞風外泣孤鸞不向月中愁  
多情只有柴桑老寂寂高山水自流

松枝火

蘚骨誰教劫火侵欲將春意破窮陰鱗鬣光動紅雲起  
膏液香融紫霧深餘燼尚留霜後節死灰難滅歲寒心  
有時焰起隨風轉猶是蒼龍澗底吟

藕花風

舞落紅衣起未休水雲鄉裏正颼颼五更清逼銀塘露  
六月涼生玉井秋颼浪低翻霞影亂凌波輕弄錦香浮  
御選元詩

卷五

謝宗可

七

莫教吹醒鴛鴦夢好送真人一葉舟

水中梅影

澄澄寒碧映冰條雲母屏開見阿嬌春色一枝流不去  
雪痕千點浸難消臨風倚檻雲鬢濕帶月凌波玉佩搖  
最是黃昏堪畫處橫斜清淺傍溪橋

半日閒

閑處光陰未有涯偶然一晌到山家坐看雲起晝停午  
靜聽流泉日未斜槐影正圓初破睡竹陰微轉罷分茶  
也勝忙裏風波客十二時中老鬢華

雙陸

彩殿清響押盤飛曾記唐宮爲賜緋影入空梁殘月在



聲隨征馬落星稀重門據險應輸擲數點爭雄莫露機  
惟恨懷英誇敵手御前奪取翠裘歸

水中月

晴波浸月月波浮玉兔涼生萬頃流丹桂影沈江浦夜  
白蓮光浴海天秋鮫人泣羅珠猶濕龍女妝殘鏡未收  
應是廣寒眠不得水晶宮裏夜深遊

梅魂

枝南枝北路迢遙飛入孤山夜寂寥水月浮香應自返  
溪風弄影爲誰招縞衣夢裏和愁斷玉笛聲中逐恨消  
似欠靈均歌楚些逋仙墳冷草蕭蕭

龍形松

御選元詩

卷五

謝宗可

八

天矯挈雲海上來蜿蜒蛻骨老莓苔紫髯夜濕千山雨  
鐵甲春生萬壑雷影動欲翻平陸起聲號如卷怒潮回  
蜷枝冷挂巖前月猶似擎珠照九垓

水紋

新綠粼粼漾淺漪織成春色上苔衣一池碧暈雨初落  
千疊翠鱗風更微淨靨光搖湘女鏡輕羅影動水仙機  
何如袖取并刀去剪取吳淞半幅歸

竹夫人

胸次瓊瓏粉黛羞宵征何必抱衾裯應無雲雨三更夢  
自有冰霜六月秋盡節每曾陳諷刺虛心那解老溫柔  
專房不怕蛾眉妒只恐西風動別愁

鴛鴦梅

兩兩魁春簇錦機文衾夢覺月分輝  
枝頭交頸棲香暖  
花底同心結子肥  
金殿鎖煙妝粉額  
玉堂環水浴紅衣  
有情一種隨流去  
莫被風飄各自飛

洪希文

壽峰詠月

素娥准敕六丁擎  
下照塵寰似水晶  
河漢無雲天萬里  
溪山不夜月三更  
蓬萊弱水何曾隔  
玉宇瓊樓無此明  
今夜壽峯峰絕頂  
與君端坐細推評

蒲萄

走架龍鬚弱不支  
炎天待月立多時  
醍醐縱美輸清滑  
御選元詩

卷五

謝宗可 洪希文

九

瓔珞雖圓讓陸離  
珍異曾誇太冲賦  
纍垂已入退之詩  
當年若得傳方法  
博取涼州亦一奇

仙邑館所歸溪行書觸目

杏花深處酒堪賒  
來訪漁翁溪友家  
短塹插籬防鹿豕  
小舟牽網截魚蝦  
鄉村畜牧連荒野  
墟落人煙閣淺沙  
自是昇平生聚久  
女郎共唱後庭花

清明遊陳氏園亭

村村花柳暗晴川  
百五時光過客然  
綠暗園林尚佳節  
清明亭館自新煙  
喜逢熟食傳遺俗  
怕著新衣學少年  
惆悵東闌花似雪  
人生底處勝樽前

糖霜



春餘甘蔗榨爲漿色弄鵝兒淺淺黃金掌飛仙承瑞露  
板橋行客履新霜攜來已見堅冰漸嚼過誰傳餐玉方  
輸與雪堂老居士牙盤瑪瑙妙稱揚

袁士元

題城西書舍次韻

自笑茅檐多野意水邊栽柳翠成堆鶴因無恙老猶健  
燕若有情貧亦來曲徑斜穿花影入小池低傍竹陰開  
故人有意能相訪細啜茶甌當酒盃

送柴養吾先生遊四明山

春游清興已闌珊送子扁舟獨上灘諸老謾期花下醉  
好山應待畫中看曉行瘴霧侵衣潤夜漱溪泉透齒寒  
御選元詩

卷五

洪希文

袁士元

十

林壑夏涼宜避暑主人瓜熟許分餐

和江亭納涼

晚來避暑水邊亭短髮蕭蕭涼思清笑摘藕花嬌欲語  
細看鷗鳥淡忘情月依檐轉窺人近風逐潮來拂面輕  
適意不知身坐久漁村漸見一燈明

和皞縣梁公輔夏夜泛東湖

短棹乘風湖上遊湖光一鑒湛於秋小橋夜靜人橫笛  
古渡月明僧喚喚舟鴛浦藕花初過雨漁家燈影半臨流  
酒闌興盡歸來後依舊青山繞客樓

過高錢探子章及禪寂詠心源不值

載酒東湖歲已闌擬同朋舊醉開顏長鬚吟客近入郭

多病老禪纔出山霞嶼寺連寒水遠月波樓鎖暮雲閒  
停舟自對梅花酌雪壓孤篷夜未還

借韻詠城南書舍呈倚雲樓公

曉倚吟窗曙色開江頭野趣亦佳哉平蕪宿鳥衝煙起  
遠浦春帆帶雨來閒種石田供鶴料旋開園治買魚栽  
讀書自古城南好擇地多慚吏部才

九日後有感

滿城風雨重陽後客况淒然歎薄游白酒黃花非舊日  
烏巾素髮是今秋時艱開口難成笑事往驚心轉覺愁  
無復山東有兄弟雁聲莫遣過南樓

謝樊天民先生朱以仁先生謝德清見訪并述

御選元詩

卷五

袁士元 汪珍

十一

懷

詩思蹉跎四十餘未窮經業鬢先疎歸來自媿窮途客  
在顧多勞長者車荷葉池塘疎雨歇榴花庭院晚晴初  
吟懷浩蕩憑誰遣幾向東家借蹇驢

汪珍

次答允峯殿幹見寄

題得新詩寄所思從公始恨十年遲燈殘暗壁蟲催織  
月滿空庭鵲繞枝客路飄零秋易感老年情味夜偏知  
江煙一舸蘆花雪還憶往年相別時

李序

敬次叔父適菴先生六觀圖韻



曉起初褰薜荔裳，隔簾皓影雜紅光。雪花映日孤峯起，  
玉柱浮空千尺長。風急露華都是霰，石寒芝草不生芳。  
朝曦正似丹砂色，照耀雲間白玉床。

兩岸汀洲一浦分，隔簾啼鳥近相聞。逶迤綠水繞春色，  
窈窕東風交浪紋。杜若沙平香漠漠，靡蕪煙煖翠紛紛。  
靈源不記東西路，千樹桃花日又曛。

山下泉鳴似殷雷，山前倒影射崔巍。斜陽迢遞天邊去，  
暮色蒼茫溪上來。青壁高懸西若木，丹崖半長夜明苔。  
何時落日都門道，照見東城陌上埃。

亭前月色散斜曛，林下灘聲隔岸聞。碧浪有煙渾似雪，  
青天如水不生雲。風吹白露千崖聳，秋映銀河兩派分。  
御選元詩

卷五

李序

趙偕

嚴士貞

十一

吹斷紫簫聞鶴過，空中疑是玉宸君。

趙偕

送伯奇入官

目斷斜陽雁不來，碧空無伴絕塵埃。此心久矣堅如石，  
生意蕭然冷似灰。之子入官偏踟躕，誰人爲我暫徘徊。  
秋風已到桂枝上，借問緣何花未開。

嚴士貞

文昌閣

文昌高閣接虛明，下視塵寰草樹平。萬里長空浮霧氣，  
半林修竹帶秋聲。危欄獨倚渾無賴，幽鳥頻啼却有情。  
茗飲一杯風兩腋，橫吹鐵笛上瑤京。

方山

遙望羣峯擁翠鬢登臨殊覺倦躋攀枯藤倒挂長松上  
峻瀑斜飛兩峽間龍卷雲歸常帶雨犬隨人去自登山  
湫池只在危岑頂欲啟瑤函論大還

斗洞

境入龍陂氣象清竹籬茅舍最關情峯迴路轉六七里  
林靜鳥啼三兩聲犬吠籬邊窺客過樵歸洞口看雲生  
茲遊莫道求碑石只爲觀山也合行

漚麻池

一治寒光寶鑑開禪人於此獨徘徊籜龍引水循徐下  
山鳥銜花出洞來劈箭橋幽空貯月盤陀石古半生苔  
御選元詩

卷五

嚴士貞

衛恒

張翔

三

灌溪莫道無人見險似瞿塘灩澦堆

衛恒

衛源廟

上國風帆快轉輸石林香靄護神居龍吟別浦泉聲細  
鳥拂空潭樹影虛蹴踡誰家春競賞琅玕千畝翠堪書  
繡衣已覺清寒甚休遣風霜到隼旟

張翔

岳陽樓

樓上元龍氣不除湖中范蠡意何如西風萬里一黃鵠  
秋水半江雙白魚鼓瑟至今悲二女沈沙何處弔三閭  
朗吟仙子無人識騎鶴吹簫上碧虛



伯顏帖木兒

侍分司遊金城開福寺

自慚辛苦一書生曾聽鴻臚曉唱名  
暫領銅章來石邑欣陪繡斧上金城  
天涵殿閣撐空闊溪接簷牙漱淺清  
珍重坡仙留玉帶山門千古有光榮

閩詢

涌泉堂

何處堪澄俗慮醒百花深處有危亭  
三春塞下煙嵐國六曲江南水墨屏  
列岫擁迴喬木岸寒泉飛過白雲扃  
仙壺不惜潺湲景留與元侯緩帶聽

呂懷遠

御選元詩

卷五

伯顏帖木兒  
郭思

閩詢

呂懷遠

十四

暮春感懷

不是今年忒負春賞花時節走紅塵  
炊梁誤作繁華夢竊祿翻慚散誕身  
寒食清明容易過蒼顏白髮等閑新  
寄聲年少諸公子問柳尋芳莫厭頻

郭思

驪山

春風躍馬上驪山山到平巔得景寬  
地迫遠帆知渭水天晴高塔見長安  
繚垣缺處桃花開輦路灣頭草色寒  
多少繁華留恨事不堪卮酒一悲酸

元文本

桃源採藥寓留居意

採藥桃源幾笑歌空懷抱養天和南來作尉仙源好  
北去懷人客夢多愁思入詩添白髮秋風吹棹過黃河  
燒丹已有他年約便合留家住翠蘿

宋思齊

夕陽紅

九日霜天百草休一番紅葉發詩愁海霞不雨遷林表  
野火無風到樹頭高擁殘陽蕭寺晚半隨流水楚江秋  
一從題句傳情後更有何人訪御溝

劉有慶

龍虎臺即事

都門北上路縈迴天近居庸勝境開山舞鸞凰來大漠

御選元詩

卷五

元文本 宋思齊 劉有慶  
的斤蒼崖 完顏東臯

五

氣騰雲霧護高臺九重璫殿丹青郭十里金車錦繡堆  
側耳祥風仙樂度萬年聲裏進霞杯

的斤蒼崖

黃山

翠律名山倚碧天登臨不覺入雲煙蜀江東去練光淨  
衡岳南來黛色鮮幽澗千尋蒼柳合平田萬頃翠雲連  
憑虛立久忽長嘯迴望神州一慨然

完顏東臯

蘇山

圖畫天開馬嶺山仙家白鹿洞中看冷泠瑞露春生樹  
冉冉香雲晝滿壇橘井有泉潮玉液桃源無路問金丹



他年擬卜煙霞計只恐幽人笑解鞍

貢東崑

送劉有之游涇川

七里岡頭謝豹啼  
筍輿呶啞趁朝雞  
玉壺駐聽青山近  
綵筆行吟綠樹低  
茅屋斷煙迷石壁  
落花疎雨漲琴溪  
錦袍仙子游踪在  
珍重劉通過水西

貢士達

郊行

溪樹汀花接眼明  
酒逋吟債此時增  
野僧煑茗收黃葉  
湖客輸租到紫菱  
牛背晚風三弄笛  
漁梁寒照兩行罾  
壯懷尚有元龍氣  
高卧空山愧未能

御選元詩

卷五

完顏東臯 貢東崑  
何正 章功懋

貢士達

六

何正

月

宴罷瑤臺出禁遲  
玉輪飛上已多時  
一天星斗光芒後  
萬里銀河影漸移  
素女夜寒初倦舞  
嫦娥秋老正含悲  
黃沙磧裏涼如水  
人在青樓有所思

章功懋

草堂新成

新構茆堂此日成  
秋霜忽向鬢邊生  
柴桑正待歸陶令  
瓜圃何妨學邵平  
野服便應裁綠芰  
晨炊更喜得黃精  
無才正合藏丘壑  
笑向滄浪自濯纓

凱烈拔實

贈集虛宗師

路入華陽谿水流  
仙人瓊珮彩雲裘  
松陰石竈丹煙煖  
洞裏桃花碧樹幽  
嗟我塵中迴俗駕  
無人方外訪瀛洲  
何當一假茅君鶴  
復向三山深處游

秦山竺

籌邊樓

危樓竒觀壯南州  
公退攜琴日往游  
山勢四圍排虎距  
江流一曲枕鰲頭  
雲迷十里荒亭暮  
風撼雙梧老樹秋  
回首長安何處是  
蒼茫極目使人愁

唐志大

白雲嶺

御選元詩

卷五

凱烈拔實 秦山竺  
幹玉麟圖 黃威卿

唐志大

七

羊角峯頭酒半醒  
探幽直欲遍巖扃  
千章夏木浮空翠  
百丈丹梯絕杳冥  
仙竈暝煙凝石壁  
龍池飛瀑瀉雲屏  
神游欲訪盧敖去  
願乞凌風白鳳翎

幹玉麟圖

題三沙

鬱葱佳氣豁空濛  
天馭飛霞絢海紅  
萬象杳冥惟見日  
九天迢遞更乘風  
人騎仙鶴上瀛渚  
山引蓬萊出貝宮  
海外蒼生向誰理  
繡衣更過九州東

黃威卿

望川亭

一到尋真眼界寬  
竹綠山脚石緣灘  
危峯峭拔幾千仞



險徑縈紆十二盤空翠撲衣襟袖潤泉聲清耳骨毛寒  
黃花紅葉如相待容我西風把酒看

刁震亨

偶題西藍

雲幢霧幄翠陰濃靜蔭西藍百畝宮冷透軒窗松竹影  
香生池沼芰荷風鳴禽隔葉數聲巧流水穿莎一徑通  
安得世間清淨福拂衣來作住菴翁

喬堅

題河尾驛

池上蒼山翠作堆池邊花竹映樓臺夜喧燈火庖人語  
地覆松花使客來戰馬不嘶關柝靜哀猿無語瘴雲開  
御選元詩

卷五

黃威卿

刁震亨

喬堅

大

征衣盡拂紅塵去且向郵亭進酒杯

蒼峯千丈玉槎牙錦樹模糊噪晚鴉濁水難將明月污  
好山多被亂雲遮江村日落人爭渡旅店年豐酒易賒  
可是炎方風景別元冬開遍野桃花

雷櫟

玉溪山房

玉尺當年息洛流山房新築見詒謀閒敲璞石橫欹枕  
笑拂珊瑚直下鉤山色半簾人似玉水光一檻世如漚  
冷風悟入農軒境月滿乾坤太素秋

李伯強

九日登大理玉局山

海風吹曉上層臺玉局仙人安在哉一帶河山無限好  
百年懷抱此時開菊從雨後都開遍雁到秋深不肯來  
一曲浩歌歸去晚夕陽人影共徘徊

卜友曾

興聖殿進史

瑤篇初進侍清光日麗龍池晝刻長堤柳染成春水色  
宮花併入御爐香金壺洒露層階滑玉椀分冰廣殿涼  
矇眊似知天意喜鳳笙新奏五雲章

和林一原題西乾廟韻

美人西扣古王宮推枕山牕曙色溶嵐氣秋來深似海  
嶺雲日暮碧於松苔生堦面侵銅鼓水落波心起石龍  
御選元詩

卷五

李伯強卜友曾

九

一路西風吹落帽黃花滿地似春濃

郭彥達都事悠然亭

悠然亭上翠浮空林壑歸來一笑同稚子春游修竹裏  
詩人夜醉白雲中瀟山連屋書千卷澗水當軒菊萬叢  
招隱欲題應有待漁竿閒颺落花風

寄建安經歷沙子中同年

離亭旌旆思紛紛江上西風落木聞客棹相逢前日雨  
漁罾猶挂隔溪雲小樓吹笛青山老返照移尊碧草曛  
萬里霞洲望不極祇將秋水贈夫君

懷友

憶得城東賣酒旗維舟立馬意誰知江流袞袞相思後



帆影悠悠獨去時  
巫峽秋雲連泰華  
金陵春草接黃陂  
紅塵孤負滄浪釣  
猶擬梅邊寄一詩

郭君彥

入京

鳳凰城闕壓金湯  
龍虎旌旗護未央  
萬國衣冠朝玉座  
百蠻歌舞進瑤觴  
花迎宮扇紅雲曉  
日照天袍翠霧光  
江海小臣無以報  
空將詩句美成康

野寺晚景

寺對清溪水繞關  
冷然鐘鼓翠微間  
樓臺無影日沉海  
松檜有聲風滿山  
猿嘯石亭遊客散  
龍歸雲洞老僧閒  
詩成一笑歸來晚  
獨棹扁舟泛月還

御選元詩

卷五

卜友曾

郭君彥

王鈞

二

王鈞

題趙榮祿水村圖

寒煙漠漠鎖荒村  
日暮帆歸浦淑昏  
颺秋風鳴老樹  
娟娟流水遶柴門  
平沙雁起聲如寂  
斷岸罾懸影若翻  
要問先生得真趣  
玩圖默坐復何言

潘嘉

題鄱陽盧日章青山晚對樓

村北村南半掩扉  
空濛疊嶂渺煙霏  
束薪谷口樵人唱  
採藥林中野叟歸  
落木烏棲九秋老  
蒼藤猿嘯片雲飛  
西風簾捲凭闌坐  
一笑掀髯送夕暉

張守大

日新宮訪道者不遇

九箕山下地仙家與客尋真步落霞洞裏清香燒柏子  
爐中新茗煮松花古壇寂寂春常在浮世悠悠日易斜  
聞說道人騎鶴去料從勾漏問丹砂

王仁輔

惠山詩

紅杜溪邊艤小舟青蓮宇內作清遊土花繡碧淡如畫  
嵐翠潑雲濃欲流短李清風存古意大蘇團月洗春愁  
摩挲泉石舒長嘯未羨神仙十二樓

丘元鎮

蔡涇關

御選元詩

卷五

張守大 王仁輔  
丁珉 王翊龍

丘元鎮

三

客行涇口上危橋北望城闈十里遙港汊不容三尺水  
舟航全藉兩番潮蠶苗半起桑迷眼雉子深藏麥到腰  
暮宿前村楊柳渡買魚沽酒慰蕭條

丁珉

題紫微宮

地隔紅塵一徑開清虛疑是小蓬萊丹房有藥常留火  
石徑無人半鎖苔樹色暫迷汀雨合江聲如咽海潮來  
桃花滿院春風暖題詠誰同夢得才

王翊龍

和李治中韵

城東橋  
新成

英雄老去覺顏凋約矢無書可射聊春暮流光嗟逝水



山深幽夢付回潮翠林鳥聚雲帷合晴治魚吞雪絮消  
我欲雙谿釣煙雨彩虹聞已跨飛橋

倪應淵

西園

水映朱欄漾陸離憶曾飛蓋得追隨庭喧畫鼓開筵早  
座擁紅裙獻曲遲楊柳挽風掀醉帽荷花瀉月入吟卮  
轉頭樂事無尋處藤絡頽垣草網池

許希顏

贄監郡公

金章紫綬照南州身在陵陽最上頭曉雨桑麻吳地暖  
西風穰極楚鄉秋朱幡到處行雙鹿綠野何人佩一牛

御選元詩

卷五

王翊龍  
朱得先

倪應淵  
梅德明

許希顏

三

見說御屏題姓字崇班早晚侍前旒

朱得先

次馮介溪閒居韵

竹屋松窗杳靄間林猿沙鳥共溪山種花常占青春好  
讀易堪消白晝閒隱處雲泉思共酌夢中煙樹正相關  
他年容我狂吟客獨立斜陽拄杖斑

梅德明

送傅經歷

三年主畫向南陽便覺蕭然兩鬢蒼審象幾時求傳說  
爲郎從昔老馮唐柳枝歌斷山杯盡梅雨晴來江路長  
未得還家問松菊黃金臺上看朝翔

潘如瑗

移居黃冲

西崗西畔翠藤遮石徑斑斑帶蘚花閒客敲門來看竹  
山童掃葉為烹茶張琴松下風聲細讀易梅邊月影斜  
潘岳愛山曾入畫聞孫此日又移家

題劉慶遠樵隱

門外蒼苔一徑雲柴門不入軟紅塵且從山客閒看奕  
未必書生竟負薪松粉飄香輕拂面嵐光滴翠冷侵人  
好留喬木為梁棟莫學焦桐爨下陳

病中懷友

煙霞門巷少人行吟對清秋鬢雪新愁裡常中酒賢聖  
御選元詩

卷五

潘如瑗

潘泰之

師晦文

三

病來多辨藥君臣林梢斜日明紅葉池面微風弄白蘋  
惟有山翁最知我無由縮地謾勞神

潘泰之

和錄事吳正傳登景德閣

上國久賢吳季子風流非復舊潘郎君詩秋色同瀟灑  
我興滄洲空渺茫宦海才名雖異調騷人胸次豈殊鄉  
三生杜牧今何處眼冷禪林木葉黃

師晦文

次錢公茂見寄

短褐蕭條稱鶡冠冥棲長欲寄林間承家不負駒千里  
學道聊窺豹一斑歸去未成空綠髮相看不厭只青山



吟邊賴爾能知我莫惜琴書半日閒

何致中

送趙伯淵

送去臨岐別緒長少留吹帽醉重陽秦淮倚棹秋聽雨  
易水驅車曉度霜吳祐肯成青竹簡謝元不佩紫羅囊  
熟知二父才名盛素業承家未易量

送馬彥卿

相逢一笑即相忘况是夔宮六月涼解榻正依松桂影  
分書共挹芟荷香闌干鍾乳生金鼎磊落驪珠滿錦囊  
歸去重來知幾日貂裘應拂敬亭霜

汪士深

御選元詩

卷五

師晦文  
汪士明

何致中

汪士深

五

題景德寺

寺占陵陽第一峯寶扉珠樹碧玲瓏巢霄漢浮圖頂  
僧舍煙霞丈室中高閣鐘聲聞遠近上方燈影徹西東  
一從杜牧題詩後翰墨誰能繼古風

齋居遣興答施晉卿

百年襟抱着悲歡晚節從容任考槃白髮已從公道得  
青山長似故人看經時積雨開新霽出苑秋風耐曉寒  
欲寄新詩無別恨目隨征雁楚江干

汪士明

送涇縣祝教諭歸鷺湖

小邑三年一笑歸鷺湖山下有荆扉因思張翰蓴羹美

忘却琴高藥澤肥  
久客兒應歌陟屺  
到家人想下鳴機  
每懷朱陸談經處  
牢落空山幾夕暉

遊木瓜園

木瓜名品擅江東  
三月花開煙雨中  
十里明霞紅步障  
數峯春色錦屏風  
壓枝絳蠟融成蒂  
映地珊瑚矮作叢  
秋實勝如丹頰美  
更期躍馬訪林翁

汪洙雷

次潘季通遷居韻

萬卉蒼蒼今已非  
古梅猶有歲寒枝  
橋分野色春還好  
門對嵐光晚更宜  
茶竈政須黃葉煑  
琴床已帶白雲移  
題詩莫厭催租吏  
鐘鼎山林各有為

御選元詩

卷五

汪士明

汪洙雷

甘梅軒

五

甘梅軒

遊水西同憲椽李仲

幾度匆匆過水西  
回巖樓閣久留題  
此行却伴嶺雲宿  
半夜忽聞山鳥啼  
漁火滿灘船上  
下人煙隔岸樹高低  
明朝莫待闍黎飯  
踏月披霜過賞溪

徐秋雲

西湖

涼洗冰壺壓雨峯  
鏡鸞無地覓驚鴻  
芙蓉池館鴛鴦雨  
楊柳樓臺燕子風  
玉笛度雲聽似夢  
畫圖浮水望如空  
斗牛已屬乘槎客  
何處凌波第一宮

觀國詩



金溝晴色照燕然紫殿紅樓玉樹煙萬雉入雲環五衛  
六龍扶日擁羣仙教坊月夜歌如水繡局春風錦作天  
挾策遠臣身萬里只將金鏡獻君前

漢武帝

萬戶千門禁漏遲建章花發錦成幃瑤池有信青鸞至  
金屋無人白燕飛風起輪臺春寂寂露零仙掌月輝輝  
樓船簫鼓繁華夢汾上年年只雁歸

閨怨

一自鎔郎出剡溪簫聲長伴乳鴉啼魂銷秋水玉蟬翼  
泪濕春風金裏曉別恨不禁楊柳外相思只在杏花西  
珠簾夜夜空明月愁殺落紅香滿泥

御選元詩

卷五

徐秋雲

周永言

王份

三六

武林

芙蓉城闕夕陽紅歌舞三千上碧空繡嶺看花蝴蝶夢  
錦江吹酒鯉魚風當年紫蘂開仙仗今日青山是梵宮  
曾向黃金臺上望九天闔闔五雲中

周永言

春日感興

春風庭院柳吹花暗度流年感物華石斛水香魚有子  
畫梁灰冷燕無家春愁爛漫來難遣午夢飄蕭去莫遮  
欲汎曲江陪舊宴浪船搖曳晚川斜

王份

次戴文祥歸田韻

野逕逶迤度石橋  
娟娟修竹翠旌搖  
踈籬曉吠眠雲犬  
高樹寒鳴泣露蛸  
袖拂琴絲留客奏  
香縈銅篆隔簾飄  
歸來陶令多清事  
更向春前種菊苗

老去幽栖還自適  
詩成應遣和羊何  
到家杖履登臨遍  
回首江湖感慨多  
草閣正紉蘭葉佩  
水鄉頻聽竹枝歌  
絕憐門巷塵囂隔  
有客常從醉碧荷

許上之

和戴奎韻

溪上扁舟載鶴過  
紅塵回首謾如何  
晚年丘壑襟期好  
此日江湖感慨多  
狂客空遺鸚鵡賦  
家人休唱屨屨歌  
等閑一笑成踈放  
倒着秋衣似敗荷

御選元詩

卷五

王份

許上之

梅珪

翁葵

三

梅珪

用韻呈戴東野

江村十日無來客  
雨後蒼苔一寸深  
誰為賡歌彈匣劍  
自教供具費贏金  
夕陰冉冉雲歸屋  
涼思紛紛月滿林  
踈散更憐無別事  
據床時伴候蟲吟

翁葵

書蔣氏軒壁次韻

殊方客思轉淒然  
瘦菊離披酒熟天  
乾葉滾風填螿穴  
敗蕉滴雨洗蝸涎  
握鎌似刈雲登圃  
收網疑牽月上船  
秋興正濃歸興切  
清宵頻夢柳橋邊

李文潛



送友人之間

閩中自古繁華地公子翩然動宦情  
醉客桄榔渾勝酒喚人鸚鵡自知名  
青榕雨過雲屯野丹荔風吹錦滿城  
不用黃金買歡笑蠻歌女子最輕盈

周伯武溪西隱居

安陽郡人周處士疎籬矮屋住  
山陰雨添江樹十分綠水漲沙溪  
一尺深花漾銀瓶春酌酒香燒寶  
鴨夜彈琴幽居料得清如許媿我  
江湖萬里心

王毅

濟川橋

簾幙天香桂子秋白沙翠竹護中洲  
平分風月雙溪水

御選元詩

卷五

李文潛  
蔡九思

王毅

鄧賚

三

高摘星辰百尺樓鑄劍空懷今古跡  
留槎不礙去來舟虹橋可接天河路  
我欲梯雲汗漫遊

鄧賚

晚眺

晚步從容出薜蘿吟詩聊當竹枝歌  
寒流漸縮溪橋少臘雪不成山霧多  
官賦人歸荒嶺路野燒煙起夕陽坡  
江鄉盡處閩鄉近老盡塘蒲無雁過

蔡九思

訪太元天師

飛車擁蓋下三神曠視齊州九點塵  
黃石穀城千載意翠壺蓬島四時春  
嵩高海闊丹青遠地闢天開紫氣新

見說桃花紅萬樹扁舟來問武陵津

施性初

兩中同從弟宿田舍

鵲鴿相逐暮天陰破帽長江覓短吟十頃水田春布穀  
一天風雨夜同衾草腥宿雁投湖水煙暝歸牛入柏林  
明日東隣赴雞黍汝還不飲我孤斟

王東

同鎮陽李先輩登臨川擬峴臺

楚塞蕭條客復來已無秋渚藕花開西風曠野孤城出  
落日空江白浪迴山似襄陽非故國地連吳會有高臺  
南遊萬里頻回首潦倒徒傷賈傅才

御選元詩

卷五

蔡九思 施性初 王東  
羅觀 潘音

无

明月樓次王碧虛韻

王子吹笙醉未休絕憐夜半思真遊河流橫絕三千里  
月色斜分十二樓湘浦春回修竹暗平山夢斷曉雲稠  
嬋娟不似當年貌門掩西風紫桂秋

羅觀

五華樓

世祖平南九十春蒼山花木幾枯榮曉寒海氣連雲濕  
夜坐鐘聲帶月明滿目鰲頭疎雨寺幾家籬落夕陽城  
不堪樓上懷今古斷雁西風兩袖輕

潘音

真覺寺訪蔡上人



爲尋支遁叩禪關  
趺坐觀空出宇寰  
淨土無塵勞白拂  
天花如雨落青山  
龍飯寶座香雲滿  
鴿繞經臺佛日閒  
誰謂陶潛偏嗜酒  
從今蓮社未應還

蘇天爵

送同知任君玉西歸

薇花曾見照青春  
今日都門又送君  
入蜀使迎新太守  
渡瀘人識舊將軍  
琴聲彈落巴山月  
馬首披開劔閣雲  
見說西州民事簡  
客來多誦長卿文

御選元詩卷第五十

御選元詩

卷辛

潘音 蘇天爵

三

